

四庫全書

集部

欽定四庫全書

集部

宋詩鈔卷五
三四

詳校官中書_臣賈鉞

主事銜_臣徐以坤覆勘

總校官編修_臣王燕緒

校對官中書_臣劉源溥

謄錄監生_臣鄭家屏

欽定四庫全書

宋詩鈔卷五十三

內閣中書舍人吳之振編

劉子翬屏山集鈔

劉子翬字彥沖以父軫任授承務郎辟幕屬軫死靖
康之難子翬痛憤哀毀服除通判興化軍事以羸疾
丐祠歸隱屏山學者稱屏山先生而自號病翁與籍
溪胡原仲白水劉致中為道義交所學深遠朱子受

遺命往遊其門子輦告以易不遠復三言俾佩之終身一日感微疾即謁廟訣別家人與朱子言入道次第而沒詩與曾茶山韓子蒼呂居仁相往還故所詣殊高五言幽淡卓鍊及陶謝之勝而無康樂繁縟細澁之態則以其用經學不同所得之理異也

涼月

涼月未出山浮雲半空白徘徊步軒窗宛若待佳客經林漏飛輝映淑生華澤及茲秋景清吾廬更幽寂殊觀

發秘藏妙聽生寥閨營營息初機炯炯懷新得豈無平
生心所樂已非昔天旋河漢動夜久鄰機息淒淒感庭
蘭歲暮霜霰集呼兒溫濁醪獨酌醉永夕

渡淮

鳴輦渡長淮霏煙散清晨皎皎初日光照耀草木新橫
林渡餘碧疊嶂開嶙峋移橈失向背煙波浩無垠兒童
相櫂歌余心亦欣欣輕帆互相踰畫鷁映流津徘徊望
洲渚悠然獨懷人樵漁有棲遯寂莫誰問鄰暮風翻洪

濤魚蝦亦有神四顧天地黑孤舟恐漂淪

阻風

晚歲多悲風江湖浪崢嶸扁舟渺無依日暮猶孤征重
岡擁滯霧迫濕飄浮雲繫舟古岸邊纜斷舟復橫天寒
鴻雁稀滯留知旅情顚崖震林谷客子心夜驚披衣待
清曉缺月西南明遠遊多所懷益遣歸思盈

建康六感

吳

龍翔大耳兒虎視捉刀人風雲競追逐逸軌誰能遵大
皇負英材沈潛歎求伸一呼定南國再戰威強鄰坑魏
既搖岳攘劉亦披鱗組練繞平隰艤艫蔽通津偉哉人
物盛成功豈無因代祀已飄忽風流久彌新亭撓眇迥
陸裂蔓登層閬卧龍昔來遊萬古懷清塵

晉

日昃無全照南遷事倉忙龍謠方協瑞星禍已告亡淩
遲百年運凜凜危莫將向來問鼎人項背常相望環宮

白羽列面闕鳴絃張膺圖未躋泰卜世豈在長獨憐短
轅公推刃殺忠良百身嗟莫贖一慟鬢成蒼時移事亦
更為宋復為梁惟有采石潮年年到前岡

宋

寄奴真偉人落拓龍潛地據筵呼五木已有吞世氣世
期值陽九天綱日淪替偏邦或跨州卑號猶稱帝匪乘
艱棘運英姿疇能濟南戡莫番禺西狩澄涇渭功雖與
世隆道亦因人廢緬懷揖讓風黃屋身如寄顛波日奔

迫夜壑遷神器巢由獨賢哉高蹤邈難繼

齊

堯宮不剪茨禹室無崇壤巍巍天步隆萬代猶可仰荒
哉二三君經營務華敞落梯滿清江飛斤殷遙響疏淵
引瀾渙築圃遷林莽筋力斃民軀貲財傾國帑雄心獨
未倦矯首生遐想時徂陵谷變無事猶悲曩殷憂易興
懷逸樂難終享過客問青樓荒畦棘

一作
雜

花長

梁

開圖屬英睿失國由昏悞斯人異前修撥亂旋致亂輕
刑下益肆厚爵臣彌叛聰明馳萬機精苦徒宵旰鳳冕
敬方袍鸞旗由彼岸悠然弃從懷臨機復難斷那知千
佛力不紓一冠難酒色覆商周神仙蕩秦漢趙亡固多
軌荒迷卒同貫微聖常鮮終撫冊三慨嘆

陳

悲風嘯荒垣歌斷庭花曲壁月夜沈輝瓊樹春銷馥郊
圻遊從盛想像猶經目麗景明新妝清波映鮮服承恩

屬令姿被選皆華族朝從結綺遊暮向臨春宿意高時
忽謝步遠塗方促榮華事不長哀樂情難足悠悠六朝
事轉盼風驚燭永懷興亡端斯文慚麗縟

夜飲

良宵樂未央促席團樂坐佳人意殷勤唱歌屬余和幽
期貴濶畧醉語多叢勝沈沈玉卮酒量淺難負荷豈不
懷極懽恐重賓友過褰帷望明河山月銜半破回軒互
追奔傘拂簷瓦墮

遊朱勔家園

晨暉麗丹楹翼翼帝居向來堂上人零落煙海隅
聯翩際時會振迹皆刑餘閨帷尚帝主阜隸乘軒車流威
被東南生殺在指呼樓船載花石里巷無袴襦至今江
左地風雲亦嗟吁叨榮已過量受禍如償逋荒涼戟門
路尚想冠蓋趨客舸維岸柳隣人罾池魚徘徊極幽觀
曲折迷歸途夜月扃綺戶春風散羅裾繁華能幾時喪
亂實感予曹鄴予何譏此曹真人奴

早行

村雞已報晨曉月漸無色行人馬上去殘燈照空驛

老農

山前有老農給我薪水役得錢徑沽酒醉卧山日夕忘
形與之語妙理時見益志士多隱淪欲學慚未識

種菜

傍舍植柔蔬攜鋤理荒穢桔槔勤俯仰一雨功百倍朝
來綠映土新葉搖肺肺牛羊勿踐畦肉食屠爾輩

晨興

晨興訪蕭寺爽氣清如沐
坐看雨離山飛陰斷平陸
歸途阻夕漲竚立驚幽獨
曳杖聽殘鐘卻寄僧房宿

下灘作

青山鎖連環白澗阻鳴瀨
迷津毫髮間舟與危石會
回淵聚浮沫斷壁餘澎湃
玩竒心若驚覽鏡自不逮
悠然一回首孤驛已茫昧
停橈念經厯履地猶旋憤
悲風嘯枯林暮野雲相蓋
隔船聞和歌沽酒慰疲怠

棄竹夫人

愛憎情易遷感物思鬱紆念昔未棄捐嘗侍君子居煩
襟一披豁雅抱何清虛蹉跎怨時暮涼德竟見疎飛霜
皓中庭枵然委牆隅的皪珠幃深熒煌錦茵鋪豈不懷
舊恩君心已非初當年紈扇謠抱恨同區區

秋懷

哲人嘆逝川志士悲廩秋流光不暫停忽忽歲欲周涼
飈襲迥野飛霜皓盈疇華林失鮮輝奔谿殺湍流萬化

儻日徂吾生難獨留而我苦不樂彷徨復何求世途多
軌轍今行非昔謀徒遵耿耿意齟齬固莫投時乎不再
來豈余敢懷尤王道炳日星厯聘疲軻丘歸歟既改旆
浩然亦回輶寂寞甯子歌棲遲長卿遊客嘲徒自解天
問終不酬長揖未免烹說難竟遭囚行藏或大謬聖賢
共悠悠含思疚恒積念往川途脩煌煌青春姿蹉跎恐
茲由諒非宏達觀那能齊百憂

四不忍

草邊飛騎如煙滅
拉獸摧斑食其血
此時疾首念鑾輿
玉體能勝飢渴無
危城屑翅驚雲擾
簾簾無光天座杳
奮戈儻未雪深讐
我食雖甘何忍飽

黃河鑿鑿冰成路
人語寒空氣成霧
此時泣血念鑾輿
玉體能勝凜冽無
蒼皇天步蒙塵去
晝袞飄零傷歲暮
飛書儻未伐姦謀
我服雖華何忍御

平沙月轉旌旗影
擐甲為衾戈作枕
此時飲恨念鑾輿
玉體能勝暴露無
問安使者空相繼
清蹕不回宮殿閉

請纓儻未縛渠魁我榻雖安何忍寐

漁陽疊鼓風沙戰潑水淋漓舞胡旋此時太息念鑾輿
玉體能勝寂寞無六宮遭亂多奔迸不復梨園歌舞盛
著鞭儻未跡龍庭我瑟雖調何忍聽

望京謠

雙鑾北狩淹歸轂寂寞梁園春草綠猶傳故老守孤城
官軍不到黃河曲連雲樓櫓已灰燼更倚窗扉防箭鏃
招兵大半出羣盜綉襦蒙衣屢翻覆前宗後社力誅鉏

白刃如霜挂人肉
州橋燈火夜無光
夾道狐狸晝相逐
往時汴泗絕行舟
市糶十千塵滿斛
衣冠避敵多在南
邊馬却食江南粟
謀臣武士力俱困
海角飄搖轉黃屋
盤庚五遷方擇利
昆陽一戰何當卜
寧聞殊俗亂綱常
漢祚承天終必復
夕烽明處望千門
孤臣祇欲吞聲哭

臨池歌

劉致思倦遊復卧故廬
有意學書來求石刻
因慨然念昔經行秦洛
趙魏間未嘗不回驂駐
軫搜訪古迹

故宮遺址豐碑斷碣歷歷相望也吹埃剔蘚考年代之所志訂古驗今識興衰之所自至乃壞壠荒榛微陽霧雨雖暴露霑沐僮僕色難而余躊躇不忍去也奇蹤偉筆多致墨本甚者缺裂模糊不可辨了亦皆摸脫以歸登登之聲殷乎山谷比歸所獲車載牛負不可勝計喪亂以來汎掃焚毀何止七厄哉今披篋視之十得一二有副本者舉以與致思致思明爽嘗畱心字學運筆流快風動草偃固足以軒輊流輩然

未能窺古人藩域者功虧一簣耳夫洞石仆木非蹶
張挽强者所能用志不紛乃疑於神梓慶削鐻痼瘕
承蜩皆此道也致思充是而學焉余不知其所至矣
因作臨池歌以堅其志切切惻惻亦朋友之義也

君不見鍾繇學書夜不眠以指畫字衣皆穿當時尺牘
來鄴下錦標玉軸爭流傳又不見魯公得法屋漏雨意
象吐吐凌千古斷碑零落翠苔封直氣英風猶可睹元
常獨步黃初際清臣後出今無繼風神迥處一作本天資

巧力亦自精勤至美君好尚何高竒寒窗弄筆手生胝
向來失計墮塵網銳氣直欲摩雲飛男兒古在心何忤
卻擬臨池尋舊學要須筆外見鍾顏會自蛟龍生掌握
銀鈎石刻余何愛勸以短歌君勿怠他時八體妙有餘
此歌儻可君紳書

和李吳伯春懷

山寒古寺清斷續春朝雨遙憐遠客情寂寞誰晤語平
生氣軒昂失意今易與有酒即佳晨無兵皆樂土微吟

對節物林靜幽花吐悠悠念鄉邑耿耿悲豺虎知有濟
時才從橫在談麈功名恐未遲老翮期更舉

明皇九馬圖

書生兀兀園不窺見馬豈辨驅與騅開圖九駿立突兀
摸揀知是真龍兒奔雷蹴踏原野動曳練慘錯風沙隨
華纓金絡豈不好矯首奮迅那容羈吾聞取驥如擇士
競愛妥帖驚權奇士懷倜儻衆論斥馬有鵠鵠羣駕欺
六開泰養固恩厚橫氣摧折常鳴悲丹青儻不逢妙手

萬世豈識真龍姿因思中原正格鬪鐵騎倏忽銀山移
著鞭安得致此物掩畫四顧徒歎欬

怨女曲

空原悲風吹苜蓿健兒飲馬桑乾曲誰家女子在檀城
嗚嗚夜看星河哭黃金為閨玉為宇平生不出人稀覩
父憐母惜呼小名擇對華門未輕許干戈漂蕩身如寄
綠鬢朱顏反為累朝從獵騎草邊遊暮逐蠻王沙上醉
西隣小姑亦被擄貧賤思家心更苦親身只有嫁時衣

生死同為泉下土出門有路歸無期
不歸長愁歸亦悲
女身軟弱難自主壯士從姑不如女

巡寨偶書

窮寇轉趨海吾邦備宜先連年戍役頻徵兵及漁佃扶
戈或稚齒嬰冑仍華顛未知戎伍肅朱旗亂長阡林端
晚燄發石隙飛梯懸崎嶇樵牧地萬竈生浮烟我行視
營柵兒戲端可憐倚茲形勢險寇至常遷延羣寇昔吾
軍赤指抨鳴弦防邊屢瓦解合寇俄星連猶多燕趙兒

意氣非當年
駟車載珍寶
結騎馳嬋娟
時危天稔亂
事豈汝能專
怒風飛驚濤
河梁失歸船
四顧天地黑
攬衣思茫然

負暄

宵寒卧增裯
晝寒卧增衣
何如負暄樂
高堂日暉暉
引光扉盡闔
追影榻屢移
妙趣久乃酣
瞑目潛自知
初如擁紅爐
凍粟消碩肌
漸如飲醇醪
暖力中融怡
欠伸百骸舒
爬搔隨意為
稍為驕佚氣
頓改酸寒姿
薰然沐慈

仁天恩豈余私願披橫空雲四海同熙熙
矯首望扶桑
傾心效園葵

木犀古風

化工各幽香斑斑被花木氤氲寒巖桂高韻蓋羣馥無
人盡日芳守志何幽獨士介恥求知女貞慙自鬻淒涼
楚山秋膠枝吐金粟淺水映輕明微颺發含蕾樓端靜
忽聞馬上遙相逐踟躕為延佇但見林巒綠鉗罍誰
折贈清芬闕廬屋久處不自知乍至彌鬱郁客悲芳歲

暮夢遶寒溪曲長吟小山詞古意恐難復

食蝸房

蝸房生海壖堅頑宛如石其中儲可欲雖固必生隙嵌
巖各包藏礫礪相附積中逢霹靂手妙若啓局鏘鑽灼
諒難堪曷不吐餘瀝南庖富腥盤豈惟此稱特吞航大
絕倫梯臠萬夫食針鱗九牛毛小嚼逾千百光螺暈紫
斑蛭膏湛金色水母脆鳴牙章舉懸疣密烏黏力排鼻
貼石不可索妾魚戲浮波媚鮎雌雄匹蟹躁輒橫鶩鰓

縮常畏出車螯不服箱馬鮫非駿迹江瑤貴一柱嗟豈
棟梁質骨柔競愛鯪多鯁鯢乃斤蚶紅鮭赤文肉黑魚
之賊鯨鰭鯢鯢鰻鱔鮓鯢鯢鯢鯢鯢鯢鯢鯢鯢鯢鯢鯢
述包涵知海量長養荷天德貪生族類繁失地波濤窄
網罟人創禍甘鮮已為厄紛然均可口流品當剔白微
物倘見知捐軀不足惜

諭俗十二首

故園喪亂餘歸來復何有隣人雖喜在憂悴成老叟為

言寇來時白刃穿田畝驚忙不知路夜踏人屍走屋廬
成飛煙囊橐無暇取匹夫快恩讐王法誰為守艱難歷
冬夏遷徙徧林藪深虞邏寇知兒啼扼其口樹皮為衣
棠樹根作糧糗還家生理盡黑瘦面如狗語翁翁勿悲
禍福較長久東家紅巾郎長大好身首荒荒死戰場頭
白骨先朽

西村人漸歸撐柱燒殘屋東村但蒿萊死者無人哭昔
茲號富穰被禍尤殘酷二三里中豪喪亂身為僇遺骸

悵莫掩飢鳶啄其腹豈無平生時意氣凌鄉曲錐刀剥
微利舞智欺惇獨錦囊收地券奕葉相傳續只今鄰叟
耕歲歲輸官穀爾曹何顓愚人生固多欲

何州無戰爭閩越禍未銷或言殺子因厲氣由此招瘡
陬越瘠狹世業患不饒生女奩分貲生男野分苗往往
衣冠門繼嗣無鬢髻前知飲啄定妄以人力僥三網既
自絕餘澤豈更遥王化久淘漉刑章亦昭昭那無舐犢
慈恩勤愧鳴鴉冤報且勿論茲義古所標

愚氓擾潢池，艱難亦常態。簪紳有包藏，事異吁可怪。豺
聲久伺動，鯨戮終何悔。游言張兇焰，巧謀移機會。初如
卵殼微，眈眈踐悉廩。碎養成羽翮，雄飛掣韝繩。外剪鉏耨，
歲月螫毒彌疆界。向來詰端由罪白，不容蓋南冠囚載。
路東市誅其最隆，寬俗與新僥倖。汝勿再

野人厭羹藜，家有庖丁刀。徒誇批導手，肯念耕稼勞。隱
然肉山雄，畏彼尺筆操。春泥卧寒野，夜月犁東臯。辛勤
力已盡，穀棘禍豈逃。誰無惻隱心，鮮能勝貪饕。蓋帷猶

示恩況異犬馬曹

扇馬嚴內仗貂璫侍宸闈哀哉里閭間刁閹逮雞豚放
魔識忠蓋母卵著格言矧利肥甘軀絕其孳息源難銷愛
欲心物物天性存逆情氣必戾順化生乃蕃誰開口腹
謀無乃傷仁恩

粵人多悍驕風聲亦惟舊兒童僅勝衣挾箠相格鬪藝
精氣益橫質化心忘陋家饒喜稱俠世亂甘為寇豈伊
天性然習俗所成就吾聞互鄉童翱翔聖賢囿隱豹弄

爛斑攻駒發馳驟佩觿爾何知義方得無謬

村南井欲乾曉汲盈瓢濁飲濁不足言奈此田畝涸
啞龍骨響煥爛陽烏虐良農無他管辛苦事東作春苗
何葱芊秋刈何稀薄我雖食有餘念彼心不樂乞靈走
羣祀晚電明霍霍屯膏竟未施天意自難度

震雷霹枯松頑龍失其據浮雲三日雨盈畝復地注商
羊舞未休旱魃消何遽稍寬人心切仰荷天恩布稻畦
裹連顛授穗給朝飮菜畦摧新萌蕩滌死羣蠹歲儉民

怨咨時豐家悅豫青青寒莠色亦復貪雨露

茲鄉山水佳昔乃為盜窟吾廬已煨燼荒草牆兀兀牆
東大梨樹惟此為舊物火燒枝葉盡老本更奇崛衆鳥
罷高棲空庭失清樾鄰兒利薪爨往往肆戕伐豈知昂
霄勢長養自豪末寒堤孤碓在廢圃鳴泉出衝茅且經
營霜霰莫倉猝

未須葺吾廬且復修吾倉求安當卜居求飽當聚糧營
生力有限先此計頗長去年稻盈畦避寇不得將新芽

雨後白卧穗霜中黃鰥惻有飢色冠鶩餘稻梁解衣易
升斗糠粃隨風揚休嗟昔艱難喜茲歲豐稂隣翁為人
耕貯粟不盈箱溪頭康與困纍纍已相望

縣牆挂德音盡弛今年租旄倪發懽謠助達和氣舒皇
恩施甚厚疲瘵望少蘇吁嗟吏舞文詔紙墨未渝借貸
盡白著勾稽窮宿逋培克儻歸公民貧猶樂輸量權徵
倍耗資緣竊其餘寧達盜剽攘厭聞吏追呼盜姦久必
戢吏姦無由鉏雷霆不言威肉食忍自誣故態勿狃習

窮閭勿侵漁勿謂天聽高勿謂黔首愚

清江行

漁翁一棹老清波稚子學語能漁歌日暮沙頭寒蕪竹
雨餘船角亂堆蓑驚殘小鮮仍自鱸湖海茫茫醉鄉內
夜闌酒渴漱寒流月照蘆花上蓬背

聽詹溫之彈琴歌

鳴琴藝精非小道可惜溫之今已老玲琅一鼓萬象春
鐵面霜髯不枯槁自言寡知音求我為作歌號宮韻角

可聽不可狀錦腸綉舌空吟哦吾意其一氣之清濁兩
曜之晦明山河之結融雷霆風雨之震驚包羅具七絃
開闢造化由人心又疑夫堯禹之躬行丘軻之立言瞿
聃之同歸百家諸子之紛然更歷千萬古此意不滅絲
桐間滌除浮慮清蕩摩愁襟開琴之氣象廣莫有如此
欲媚俗耳知難哉寒缸燒酒夜向闌罷琴歸矣我欲眠
夢跨冰輪出瑤海一笑碌碌瀛洲僊

雲際會劉到致中

紅綃千樹桃雪穀萬株李
柘葉青青如鼠耳橫山渡口
浪成堆認得劉郎船子來
物情時事不須說且喜新歲
同銜杯少年鼻哂輕流俗
斂銳收豪今碌碌敝裘常帶
客塵緇雙鬢不如春草綠
東風吹愁入我心使成嘯嘆
成悲吟問君底事久留此
曷不聯鑣歸故林

懷舊歌

黃茅生烟暗村落浩歌無復當時樂
隣家酒熟逆鼻香
一醉乾坤墮冥漠尋芳屢過垂玉軒
叉魚夜上浮清閣

鬪牌擊鼓多伎倆我獨旁觀惟大噱驚烽入座懼難保
幸得身存他勿道吾宗潛武卧空棺衮臣兄弟埋荒草
當時醉舞向花下綠鬢朱顏各鮮好隙駒風燭尚須臾
數子凋零不待老死生細事從渠天莫學兒女相哀憐
一窗容膝可終隱冠盜擾擾今連年王師誅鉏有漏網
死灰燄燄猶思然憂煎過計祇自惱且但努力耕吾田
夜過王勉仲家宿酒數行為作此歌

遙林帶雪迷村曠伶俜一馬行無伴故人家住丁坂頭

停驂邂逅成清歎。犯寒知我猶空腹。地爐然薪架紅玉。
花瓷湯酒欲生香。竹外庖厨聞剝肉。夫君不有中饋賢。
咄咄辨此何神速。酒酣意氣悲荆棘。尚憶朱甍舊時宅。
豺狼得志竟何成。至今人骨如霜白。亂離少有闔門在。
漂蕩俄驚五年隔。數畝荒田已失耕。一間茅屋仍留客。
客情生意歡難盡。短臘窮冬春欲近。明朝分手更愁人。
且覆清觴莫留賸。

夏日吟

君不見長安公侯家六月不知暑扇車起長風冰檻灑
寒雨重攔遼屋晝生陰反易天時在談吐又不見武陵
富豪兒炎天多快意雪穀曳輕明珍槃嚼甘脆蛾眉皓
齒發清歌灑酒筠枝集蠅蚋何如野客歌滄浪萬事不
理心清涼流金礫石未為苦勢利如火焚中腸

海棠洲

煌煌海棠洲錦樹臨清灣常恨灣頭風吹花走潺湲潺
湲不兵息花亦無由還

懷新亭

茅簷入竹低曠野時寓目寂寂農家春新秧滿田綠何
時稻登場秋山響蓬樸

宴坐巖

青青梳樹林下蔭蒼蘚石幽人宴坐時懷抱忘其適不
見暮樵歸寒山雨中碧

南溪

聊為溪上遊一步一回顧悠悠出山水浩浩無停注惟

金八八八八八八八八
卷五十三
有舊溪聲萬古流不去

兼道攜古墨來墨面龍紋墨背識云保太九年奉
勅造長春殿供御龍印香煤旁又識云墨務官
臣庭邇監官臣夷中臣子和臣卞等進蓋江南
李氏物也感之為作此詩

長春殿古生荆菅猶有前朝遺物在錦囊珍重出玄圭
雙虬刻作蜿蜒態枯皮剝製弄幾剗斷缺精堅磨不殺
吾聞李氏據江左文采風流高一代當時好玩不獨此

器用往往窮奢汰徵工選技填御府不惜千金為賞賚
治兵唐推英衛精治民漢許龔黃最惜哉取士不知術
妙手獨得庭却輩真主驅馳八極中荒王逸樂孤城內
汗青得失更誰論尤物競為人寶愛嗟余視此真糞土
事有至微猶足戒投文欲往弔江流幽魂未泯應慚悔

劉兼道獵

劉侯好獵親馳逐指呼雙犬如奴僕朝衝唐石亂雲來
暮聽潭溪流水宿何如著鞭走大梁我亦與子同翱翔

今年獵既醢彭越明年獵將羝德光

觀二劉題壁

溫其題詩新歷寺落筆風雨驚長林眼高一世常欲罵
想見掀髯坐巖陰致中題詩新興寺壞壁歲久莓苔侵
山僧好事亦可喜解誦鳥啼春意深我來經覽渾如昨
玉友金昆念離索投林捲翼不同棲況復分飛在寥廓
故山終勝他山好新交不如舊交樂何況把酒問鷗盟
卧聽松風同一壑

攜筇

晨起偶無事攜筇出潭川
翩翩雙鳬飛宛若導我前
林靜滴殘雨村深澹寒烟
當春足膏澤俯夏餘清妍
野溜綠交貫山花紅接連
雄觀發新奇勝地窮攀緣
據石弄驚竒班荆蔭連卷
幽懷脫塵拘如超混芒先
向令作興來未必勝偶然
榮觀事多乖內取樂乃全
他時誰繼遊此意遙相傳

橫秋閣

秋山萬尺青影落杯酒中登臨豈不佳寒色見遠空未
忘天下憂飛塵起西風

百花臺

森沈徑易迷楮筇為徘徊何處春光多時登百花臺主
人澹無情林花為誰開

清湖驟雨

快雨不相期平湖忽蕭颯坐久日明簷繁聲靜中減

寄彭子靜

凍岫立高白曉寒生太虛閉門翻巾勝偶見良友書書
中有長句別懷陳鬱紆吐鳳詞既絕續貂理難如起望
新鄉雲一讀三卷舒繁思攬中局賴此豁欲無鵠雞有
潛化蓬麻豈資扶吾人交義深不恨相見疎但恐德不
脩心期愧非初

夜行潭溪上念仲原致中喬年茂元伯達皆有入
山期以詩趣之

長夏不見雨袞暑故相病及茲顥氣回一夕飛灑併攬

衣步新涼宇宙涵清潤月離南山高水循雙澗靜流觀
外既洽至樂中潛應緬懷平生友契濶時光運石峰許
尋盟有約殊未定事紛莽如塵欲掃那得盡年衰覺世
浮慮澹知心勝良遊莫蹉跎小暇即乘興

讀曾吉甫橫碧齋語

攜鉏引荒泉偶步松岡北泠然毛骨清楚尾見秋色稻
氣馥初涼檉陰淡微日緬懷小齋居櫺檻增岑寂曠度
滅知聞微吟數峯碧若人端好脩珍駕動無迹深窮伊

水源峻陟衡山極終焉憇孔林所樂惟自得
延和數酌醪侑靜一編易向來辱傾輸洞見
胷中白思親道匪侔既遠情不憚矧余質冥
頑固未易刻畫尊生有遐心克已無全力以
茲畏所知負負常夕惕餘波儻時漸玉汝
天其或

同汪正夫行夫望鄱江

夜夢鄱江清曉踏鄱陽縣雲濤著眼新
還疑夢中見寒聲彭蠡合凍色廬峯現
時方冬氣深水縮川原變連沙

突堆阜派港分組練蕭蕭蓬髻風瑟瑟葭叢霰奇觀信
幽絕領略殊未遍何當烟艇高載我行鏡面二南今勝
流賓客移清燕飲酣生泰和語妙融交戰衰遲百不堪
一快天與便回筇晚霽中路壓滄浪轉波光似流人隨
裾蕩華絢

呂居仁惠建昌紙被

寒聲晚移林殘臘無幾日高人擁楮眠牽卷意自適素
風含混沌春煦回呼吸餘溫偶見分來自芝蘭室乍舒

魄流輝忽捲潮無迹未能澡余心愧此一衾白嘗聞盱
江藤蒼崖走虬屈斬之霜露秋漚以滄浪色粉色從澣
紉蛻骨齊麗密乃知瑩然姿故自漸陶出洽物猶貴精
治心豈宜逸平生感交遊耳剝非無得精神隨事分內
省殊未力寸陰捐已多老矣將何及自從得此衾夢覺
常惕惕清如夷齊鄰粹若淵騫覲獨警發鏗鉤邪思戢
毫忽勿謂絕知聞虛聞百靈集鼎鼐或存戒韋弦亦規
失則知君子惠所以勵蒙塞

雲巖竹源二禪俱與招客三月二十一日遂飯于
竹源庵謀諸野則獲也劉奇仲有約不至吳周
寶遊德華劉致中暨公望劉才仲陳聖叔某會
焉從容辨論懷抱甚適因賦詩以紀之

雲巖市聲中竹源山色處平生幾兩屐惟樂取意去晨
光霽老春飛蓋雙溪路沙平水漫流雲散天全露逶迤
經淺坂窈窕穿崇樹綠登方怒舒紅竟忽繁雨斯焉得
小休境熟來已屢徵君常主盟呼吸名勝聚于休心鐵

石太叔語韶濩鼎鼎吳劉陣俱有不凡度余衰氣不華
清遯慚輒與未渠推遠之政以朽然故九賓既雲集一
士乃鴻蕭母多溷幽人蔬茗煩草具叢談雜莊謔泛閱
披黃素豐鑄辨活筆始畫窮真數解衣半日許萬古懷
曾膝西窗引虛明汎灑延晚步嬾身厭依隨靜若超羈
馭博山真起予浮煙一枝驚

同范智聞五月十四日夜賞月

微風淨郊原暮色含清夏層巔月欲上炯炯木葉鏘豐

姿一髮虧爽氣千毫射流光不著地黃抹溪西舍翩然
釋嶠飛雲浪鱗鱗化常恐螺髻青失此驪珠挂用借奇觀
天所吝老眼得屢借不嫌神太清跣立高梧下故人肯
畱連一笑偶良夜濁醪勿虛杯庭綰醉可藉

宿省軒

夜空合一寂擾擾息萬勞幽懷耿不寐孤燈側殘膏稍
知山雨來聲在橫林高淒然卻成夢夢泛秋江濤

過報德菴

循溪踏危砒路入簷簷塢森森翠櫺間一幹橫清雨茶
煙日月靜石壁軒扉古盡茲北山旁小勝無遺取

次韻茂園獨速歌

大兒行文學蘇黃暗潮無聲走茫茫小兒分題擬甫白
手扶藁頤取冰魄自成機杼誰如君悲歌乃有可憐色
曉來春歸薺葉新青女摧之良不仁那知妙齡氣如許
一睨辟易驚千人我亦歸為村衰翁接花成條歌屋紅
跣行肯追蹠躩步杯飲不羨琉璃鍾相逢他事不發語

醉面徹日承谿風君不見豐碑模糊立峴首又不見總
帷虛對百眉侑何如吾儕現在身有口猶堪著醇酎陶
陶兀兀未全非赫赫炎炎豈長有硯峯絕頂撫孤松伊
誰及此蒼髯壽

韓幹畫馬闕四足龍眠搨而全之

吾聞兩臂天下重馬失四蹄將底用平生想似萬里逝
對此惟心惻然動得非曾落驚駘羣腕脫泥塗良已勤
又疑逸氣厭拘係絕蹠徑欲超浮雲諦觀事乃不爾劇

破練丹青老無色軒昂自有尊足存顧盼一株陰山碧
韓生筆法妙此圖龍眠捐出了不殊斷鼇自昔徒聞說
續鳧雖工計已疎何如染作滄江遠明滅要看追風蹴
微雪

寄魏元履

世情事虛文十幅了一書片言到肺腑子獨不佞予班
班眼中秀學膽誰似渠平生幾兩屨踏破牛斗墟小言
謁侯門大言叫天都歸來闢存室默坐追亡逋牀頭著

韋編盤礴萬古初時拈紙上語破的妙有餘已甘酌對
難舌本噤不舒矧予在半流所見方模糊蝸涎不自潤
詎敢相濡濡人生強多知於已固已踈睫邊遺太極意
上町六虛獐猿繫尚跳况乃拊楹呼是神非吾神滓穢
政可奴嘗聞不遠復佩作三字符煌煌杏壇春一枝明
清湖蜂蝶未全知佳處自不孤惟子先著眼時來採芳
腴何當共扣微歸性有順塗

新涼

新涼為招客勝集非預圖前峰雨未散冷風遶吾廬被
襟沐清駛合席隨沾濡定知喧譁中欲此一快無興來
擴以酒草具來須臾田翁偶過我添杯坐其隅為言秋
暑劇稻畦日凋疎寧辭抱甕勞僅給園中蔬喜茲甘澍
足普潤無遺墟遙山莽難分綠浪搖虛徐我病不任耕
歲收仰微租蒙成每自愧一飽便有餘連觴使之醺醉
語雜叫呼野人無他觴我輩恐不如

吳傅朋游絲書歌

園清無瑕二三月時見遊絲轉空濶誰人寫此一段奇
著紙春風吹不脫紛紛糾結疑非書安得龍蛇如許癯
神蹤政喜縈不斷老眼只愁看若無定知苗裔出飛白
古人妙處君潛得勿輕漠漠一縷浮力道可掛千鈞石
睠予弟兄情不忘軸之遠寄悠然堂謝公遺髯凜若活
衛后落鬢搖人光翻思長安夜飛蓋醉哦聲落南山外
亂離契濶三十秋筆意與人俱老大政成著脚明河津
外家風流今絕倫文章固自有機杼戲事豈足勞心神

傳朋王達
源外甥也

病中賞梅贈元晦老友

梅邊無與談，賴有之子至。
荒郊一點香，足以酬天地。
天地亦無心，受之自人意。
韜白任新和，風味要如此。

過鄴中

逐鹿營營一夢驚，事隨流水去無聲。
黃沙日傍荒臺落，綠樹人穿廢苑行。
遺恨分香憐晚節，勝遊飛蓋尚高情。
我來不暇論興廢，一點西山入眼明。

望楚

客浦舟凝滯，凭高識楚鄉。
有愁闕眺覽，何地不淒涼。
草木詞人怨，江山霸主亡。
悠然獨搔首，暮靄一星光。

井泉

石井水濺濺，寒莎映碧鮮。
雨聲添溜急，天影入波圓。
曉汲連山寺，春耕潤野山。
杖藜三嚙罷，毛髮更蕭然。

巖桂

涼颼振遠村，寂寞度清芬。
山路不知處，月窗時夜聞。
孤

根寒抱石落子半飄雲袖手空延佇無才可賦君

新灣

萋萋寒生水面煙吳歌唱罷月微偏停橈又向灣前宿
一夜西風浪打船

汴堤

參差歌吹動離舟宮女張帆信浪流轉盡柳堤三百里
夜橋燈火看揚州

天迥

天迥孤帆隱約歸
茫茫殘照欲平西
寒鴉散亂知多少
飛向江頭一樹棲

銅爵

金碧銷磨瓦面星
亂山依舊遶宮城
路人休唱三臺曲
臺上而今春草生

中渡

渡南渡北是長亭
沙上行人立馬情
回首若無煙樹隔
只應猶望見高城

江上

江上潮來浪滿天
隔江寒樹晚生煙
北風三日無人渡
寂寂沙頭一簇船

雙廟

無復連雲戰鼓悲
英風凜凜在雙祠
氣吞驕敵方張日
恨滿孤城欲破時
幽鳥自啼蒼際樹
夕陽空照路傍碑
平生不作脂韋意
倚棹哀吟兩鬢絲

安仁道中

汨汨復汨汨著鞭難一號老身緣底急長路只徒勞石
亂春溪惡山深曉月高村沽得微醉猶足張餘豪

醕醕

顛風急雨退花晨翠葉銀苞照眼新高架攀緣雖得地
長條盤屈揔由人橫釵數朶開猶小撲酒餘香韻絕倫
唯有金沙顏色好年年相伴殿殘春

海棠花

幽姿淑態弄春晴梅借風流柳借輕刺種直教圍野水

半開長是近清明幾經夜雨香猶在染看煙脂畫不成
詩老無心為題拂至今惆悵似含情

策杖

策杖農家去蕭條絕四鄰空田依壠峻斷藁布窠勻地
薄惟供稅年豐尚苦貧平生飽官粟愧爾力耕人

疊嶂

益遣歸心快愁霖喜乍晴樹陰迎馬合波影照人清不
見雲山路時聞樵斧聲暮雲偏自急相伴隔溪行

野步

野步忘歸遠春心不自休
管弦非老伴風雨定花讐
柳暗深深路溪寒小小樓
謝娘歌白紵此意可忘憂

送原仲之荆南

風急塵埃滿漢關送君行處路漫漫
不知爭戰幾時定常恐別離相見難
三逕舊游松竹老五湖新隱水雲寬
交朋日覺知音少綠綺從今莫浪彈

景陽鐘二首

景陽鐘動曉寒清
度柳穿花隱隱聲
三十六宮梳洗罷
却吹殘燭待天明

一刀殘月淡觚稜
遙望林梢曉色升
寂寞小簾風露冷
玉盆脂水已生冰

泊舟

莽莽荒茨岸回回
亂石灘雨寒收市
早風急泊舟難寓
縣兵猶鬪乾坤網
正寬慙懃囑龍劍
莫久卧波瀾

次韻張守壺山詩

松根繫馬望巔岼乘興攀躋不作難日出漸看林霧散
潮來先覺海風寒遙連釣石多紅樹半出僧垣盡綠竿
不見雙旌來視稼憶君對酒豈能歡

莫田

打麥蓬蓬響莫田兒童拾穢笑爭先市頭米價新來減
一醉瓷甌五六錢

途中

小市猶依海橫橋欲跨汀雨餘榕徑冷春晚芋田清薄

宦低豪氣浮生惜壯齡急流歸亦好憂患飽曾經

次張守韻二首

促席山堂夜寒燈吐碎金酒分鄰甕美栗爆地爐深疎
嬾難堪事紛華易壞心自憐貪寸祿雙鬢老侵尋

瓦白霜封縞波清月漾金柝沈秋壘靜人語夜堂深故
國歸何日寒衾事滿心庭松憐手植擢幹已彌尋

悼李奉

選拔由親衛時危遠出征氣驍嘗忽敵身歿始知名故

妾辭空帳殘兵隸別營傷心豺虎窟冒險爾何輕

次韻陳成季郡會

疾雨狂風恨若何芳晨坐覺等閒過惜花意奪春常在
對酒年來飲不多雅會欣聞珠履集新詞好付雪兒歌
風流閣老推前輩喜客溫顏似醉酡

出郊

路轉囊山北扶輿憶舊過乾坤征戰久游宦別離多瘴
樹餘紅葉春江又綠波平生豪橫氣未老半消磨

偶書

風急吹塵暗九州
岸巾長嘯一登樓
故園却憶桐孫在
薄宦端為荔子留
湖海以南兵尚鬪
烽煙不靖禍難休
似聞雅轂皆飛將
盍有清談謝傅流

與原仲至交溪橋

倦憇春橋午回環
翠碧重亂溪流背
海新柳色欺松厭
市常思野為官不
及農喜逢湖上客
談話得從容

春望

杳杳盡寒色乘高望更迷
曉晴山氣上春漲野橋低
幽鳥啼無伴閒花發欲齊
幾多沈寂景醉筆為提撕

北風

雁起平沙晚角哀北風回首恨難裁
淮山已隔胡塵斷汴水猶穿故苑來
紫色鼉聲真倔強翠華龍袞暫徘徊
廟堂此日無遺策可是憂時獨草萊

原仲溫其彥藻彥符致明集敝廬

清樽勸客且畱連
亂後相從亦偶然
三徑生涯鄉社裏

一秋心事菊花前
向來憂喜皆陳迹
老去光陰逐斷弦
懷抱故人今有幾
只因情話可忘年

宿雲際偶題

穀雨都無十日間
落紅棲草已斑斑
曉烟未放屋頭樹
春漲欲浮天際山
翠蓋縈風沈遠坂
漁舟驚浪落前灣
鐘聲認得林邊寺
歲歲籃輿獨往還

客路

客路經春雨淹留
未得歸徑泥黃染
屨林霧白侵衣直

氣何由吐愁心只欲飛東風如解事吹夢落漁磯

哭呂倅

瞑目荒山裏攜家萬里來旅塋猶借地兒哭不勝哀裂
甌妖難測藏舟事可猜大賢應有後天道信悠哉

秋意

又見庭梧一葉飛物華心事兩差池百年未半老相逼
四序平分秋獨悲過岸山川雲漠漠殘燈院落雨絲絲
客懷料理須杯酒哭向窮途定是癡

屏跡

屏跡山樊避世喧
晚風落日靜柴門
寒泉遶竹通幽圃
小徑穿田入別村
散策微吟霜葉脫
鉤簾宴坐碧雲翻
閒中興味知何遠
絕口名途不更言

絕句二首

目送孤鴻獨倚樓
晚風吹淚更橫流
蕉花落處蠻烟碧
六十三程是白州

竹遶茅簷水遶階
東風漸欲放春回
丁寧紅紫休爭發

待取山南刺史來

寄蜀

有客傳歸信
愁懷得暫寬
兒童占鵲喜
隣里借書看
離蜀秋方半
浮湘歲欲闌
柴門頻灑掃
夢想見征鞍

野墅

野墅驚秋晚
殘年忽忽過
海潮通井淺
林日到窗多
酒盡隣翁餉
詩成稚子哦
人生行樂耳
軒冕奈余何

汴京紀事二十首

帝城王氣雜妖氛擾擾何堪屢易君
猶有太平遺老在
時時洒淚向南雲

玉璽相傳舜紹堯壺春堂上獨逍遙
唐虞盛事今寥落
盡卷清風入聖朝

聖君嘗膽憤艱難雙蹕無因日問安
漢節凋零邊地濶
北州何處是通汗

朝廷植黨互相延政事紛更屬紀年
曾讀上皇哀痛詔
責躬猶是禹湯賢

熙翮漕舸入神州梁主經營授宋休一自北人來飲馬
春波惟見斷米流

內苑珍林蔚絳霄園城不復禁芻蕘舳艫歲歲銜清汴
纔足都人幾炬燒

空嗟覆鼎誤前朝骨朽人間罵未銷月月池臺王傅宅
春風楊柳太師橋

御路丹花映綠槐瞳瞳日照五門開吾皇欲與民同樂
不惜千金築露臺

神霄宮殿五雲間羽服黃冠綴曉班
詔許羣臣親受籙步虛聲裏認龍顏

宮娃控馬紫茸袍笑撚金丸彈翠毛
鳳輦北游今未返蓬蓬艮嶽內中高

篤耨清香步障遮並桃冠子玉簪斜
一時風物堪魂斷機女猶挑韻字紗

萬炬銀花錦繡圍景龍門外軟紅飛
淒涼但有雲頭月曾照當時步輦歸

雲芝九幹參雙岐
盡有嘉生瑞聖時
玉殿稱觴聞好語
時教張補撰宮詞

橋上遊人度鏡光
五花殿裏奏笙簧
日曛未放龍舟泊
中使傳宣趣鄆王

天廡龍媒十萬蹄
春池蹴踏浪花飛
路人爭看蕭衙內
月下親調御馬歸

磐石曾聞受國封
承恩不與幸臣同
時危運作高城礮
猶解捐軀立戰功

梁園歌舞足風流美酒如刀解斷短愁憶得少年多樂

事夜深燈火上樊樓

倉黃禁陌夜飛戈南去人稀北去多自古黃沙埋皓齒

不堪重唱蓬蓬歌

上蓮字
上聲

河漢如雲掃沆寥登東寒鐵響清宵竹窗驚破高人夢

門外駸駸萬馬朝

輦轂繁華事可傷師師垂老過湖相縷衣檀板無顏色

一曲當時動帝王

題將軍巖

昔年棲險人何在
髣髴樓臺香靄間
事去長空飛鳥沒
時清宴坐一僧閒
霜秋石壁黃金樹
月夜雲濤碧玉濤
杖策時來訪竒絕
漁樵幽興自相關

訪原仲山居

寂寂臨湖屋
湖風為掩門
鳥聲幽谷樹
山影夕陽村
好
事長留客
雖貧亦置樽
平生枯淡意
去此欲誰論

有懷十首

滿空寒雨雜飛煙湖上先生擁褐眠借問茅齋容客否

夜燈相伴讀韋編

胡原仲

結茅同隱水雲間何日柴車不往還憶得松林長嘯罷

歸時明月徧秋山

劉溫其

山空陸石咽寒溪雨濕浮雲晚更低不見蕭屯劉處士

年年清夢遶瓜畦

劉致中

當年冊府仰才華一跌青雲萬里賒白首却來蓮社裏

幅巾緇褐誦楞伽

鄭向明

風驚枯葦白花浮欲下橫橋晚更畱惆悵不逢吳季子

一溪寒水帶烟流

吳公路

青錢學士妙文章便合含毫侍帝傍寂寂閩山餘舊隱

憶君時到讀書堂

張巨山

松底柴門盡日關主人西去幾時還長鑣委地黃精老

時有寒雲嘯硯山

傅茂山

馬蹴浮雲去路長相逢端欲問行藏未饒赤壁風流在

且向何家醉碧香

周元仲

翁侯滿腹是精神三謁金門計未成却跨蹇驢游雪上

秋風雄劍匣中鳴

翁德功

曾訪高山上翠峯至今清興逐松風簾輿夢想行山處

白葛花開細雨中

密庵

送六四叔之茶陵

底用忽忽便據鞍離腸縱滿不能歡瀟湘萬里客愁遠
鷓鴣一聲春事闌此去宦遊當益顯時來功業自非難
似聞幕府資奇畫好借雄風弄羽翰

同詹明誠傳茂元游睇真館有詩因次其韻

橘柚垂紅古觀秋歸途邂逅得尋幽晴莎散策隨山遠
夜月回船信水流勝處無詩端可恨它時有酒更來游
相陪二妙平生友老矣襟期共一丘

遼老寄龍涎香二首

瘴海驪龍供素沫蠻村花露挹清滋微參鼻觀猶疑似
全在爐烟未發時

知有名香出海隅幽人得得寄吾廬明窗小篆跏趺坐

更覺胸懷一事無

次韻溫其元日詩

曉來飛雨挾風顛
洗出韶容換故年
花動一紅明屋角
山寒亂碧到樽前
病如夜鶴孤還警
老似春蠶飽即眠
賴有故人閑寂寞
錦囊詩句許時傳

次韻熊叔雅七言

只今飄蕩賈長沙
來往三山躡絳霞
馬上新詩猶憶友
枕邊幽夢不離家
風驚枯葦連汀雨
霜着寒楓滿樹花

却記梁園都識面，干戈豈料落天涯。

謝劉致中瓜

萬言不直一杯水，才似謫仙良可嗟。
顧我小詩偏發市，年年博得蕭屯瓜。

分茶公美子應預為白曬之約

夢裏壺山尋二妙，不因荔子髻絲華。
聊分茗盞應年例，故有筠籠來海涯。
鮮苞尚想妃子笑，槁面何取西施粧。
老饒惟作耐久計，一瞬紅紫真空花。

致中招原仲游武夷

病暑冠裳與體忘一屢幽僻得深藏微風時度澗光活
殘日忽無山氣涼但想子綦方隱几終慚南郭漫連牆
何時九曲尋幽事船尾應須著漫郎

同才仲入山有懷奇仲

客至那容嬾牽筇入翠羅山光知雨過野色見秋多妙
語時相奪微吟只自哦吹損來獨晚此日恨如何

次六四叔青字韻

寫出吳中勝平生歷歷經路窺烟渚靜山入柁樓青老
氣何由逸奔暉不肯停北潭搖夢否綠面照軒櫺

時中良弼茂元慎儀集水閣

水色兼山影漂搖小閣西風來幽轉活雨過萬紅低炯
炯杯中趣喧喧枕裏迷新年一聲笑四友在潭溪

寄張子平

老矣張平子飄零客此州清樽如有伴白髮不知愁雨
燕稍簾入風花擁檻浮夢中家在否歸興莫悠悠

晚飲

招提聊駐屐却去白雲堆老眼看山倦餘懷向酒開晚
涼微雨送秋意一蟬催醉裏揮犀妙方知有逸才

次韻長汀壁間

竄鼠驚殘夢蕭蕭老屋虛風聲傳遠瀨寒意入秋蔬客
路漂搖入歸身憔悴餘西窗滿殘照髣髴似吾廬

宋詩鈔卷五十三

欽定四庫全書

宋詩鈔卷五十四

內閣中書舍人吳之振編

朱松韋齋詩鈔

朱松字喬年號韋齋新安人文公朱子其嗣也第進士除秘書省正字建炎紹興間詩名藉甚聞河南程子之學捐棄舊習朝夕研討久而深有所得趙鼎督川陝荆襄招為屬不就鼎再相除較書郎歷度支員

外史館較勘司勳吏部郎秦檜主和議上章極言其
不可檜諷御史論其懷異自賢出知饒州未至卒

至節日建州會詹士元

嗟予身百憂佳節過倥傯客愁隨綫增歸思與灰動當
年從子日未覺百慮重高堂遶牀呼一擲有餘勇那知
客天涯相對寒骨聳歲月增幾何髣髴絲今種種忍饑山
藥煮附煖地爐擁深藏斷還往衰病脫拜拱興言望鄉
關雲物方鬱滯空餘相屬意盃酒久不捧

寄題叔父池亭

一壑久藏勝數椽忽開亭方塘蔭瓦影淨見魴鯉行主
人有嘉招轉柁失高城不知幾搖兀杙舟上崢嶸尊酒
酌芳淥園蔬煮柔青翩翩射鴨弓一笑翻綵翎那知海
陬姪斗粟忘歸耕餘生信萍梗歸夢識林垆漲水有回
波故鄉豈無情一醉會有日因之濯塵纓

考亭陳國器以家釀餉吾友人卓民表民表以飲
予香味色皆清絕不可名狀因為製名曰武夷

仙露仍賦一首

二年飲水閩村中忽見玉醴傾蠶尊涓涓醍醐灌熱惱
耿耿沆瀣明朝暎早塵久漲城市暗渴夢欲挽江湖吞
何人遠致雙鯉信知我來扣羅雀門不須邀月已清絕
尚恐對齒當微溫要從華池汲真液豈獨玄髯薈愁根
微芒已識投轄客斌媚似返當壚魂奇功誰續伯倫頌
妙意要與淵明論甑中我自有涇渭筆下君已傾崑崙
詩成寄與約他日飲君與我空瓶盆

久旱新歲乃雨

高田土可麓下田不受犂遺蝗憂插啄况乃麥未齊赤
子天自憐溝壑忍見擠雨逐新歲來停雲忽淒淒莫辭
三日霖為作一尺泥汪汪既沒膝濫濫仍拍隄漸看蓑笠
出笑語喧吟哇我欲與寓目父老同攀躋此身羣萬生
擾擾舞甕雞曾亦無幾求脫粟配羹藜永言故隴耕老
眼路淒迷好收斂版手鋤耰歸自攜

蔬飯

巖拳嬰兒手笋解箨龍蛇薦羞杞菊開采斲煙雨外嗟
子飯藜藿咽塞舟沂瀨朝來二美兼一飽良已泰充腸
我誠足染指客應哢平生食肉相蕭瑟何足賴王郎催
牛炙韓老憶鯨鱠俠氣信雄夸戲語亦狡獪我師魯顏
子陋巷翳蓬艾執瓢不可從一取清泉酌

戲贈吳知伯

條侯得劇孟吳楚坐可馘我知無能為失此一敵國偉
哉奇男子俠氣橫八極書生復何者骯髒老筆墨刺口

論安危事往竟何益匹夫嘯空野驚塵一方塞區區空
有意浩蕩先鋒鏑何如吳王孫語輒面浮赤交遊得朱
亥負販鄙膠鬲腰間鐵絲箭上鏃紫塞翮笑指蛇豕區
滅此而後食諸公未備知欲薦恨無力明日我過君烹
牛呼社客當書游俠傳令子姓名白

十一月十九日與仲猷大年綽中美中飲於南臺
空山欲雪雲冥冥玉梅半開吾眼青此身垂欲走塵土
聊復舉酒看崢嶸折腰向人不知恥故園可鋤在千里

金昆石友一開眉珍重道人相料理楚江東岸先人廬
竹君安否久無書歸歟何時應白首我食吾言如此酒

送志宏西上

九州眼一槩餘子真瑣瑣嶽立培塿中喜此高岷峨如
公我輩人取友亦到我揮毫賦垂天風雨卷蓬顆相期
八表遊未覺夙心左解龜醉江閣酒面山月墮起瞻帝
鄉雲感嘆不成坐何須飛霞佩自辦凌風舸瀛州渺溟
渤萬里一掀簾緘詩寄天涯秉燭對新火那知市門仙

斗祿事么麼空餘腸九迴上疏何日果

寄陳陷元

我生少所可靡靡世一律如君素心人指不三四屈久
與宵人遊歸卧常自失效尤起媮心阿意增美疾低回
強酬酢高論形敢出緬懷叅同子蚤入伊洛室聞道既
先我論詩又奇崛縱橫談天口卓犖扛鼎筆勝我何足
云論交敢自必桓公甫見規寡行有日日書來約過從
一笑破蕭瑟新涼宜燈火永夜勘書帙豈無一尊酒少

促軟語膝更呼小叢歌未怕官長詰
予占騎氣千嶺秋回鬱著鞭及清境
灑灑月華溢

月桂花

窗前小桂叢著花無曠月月行晦朔
周一再開復歎初如醉肌紅忽作絳
裙色誰人相料理耿耿自落落有如
貧家女信美乏風格春風木芍藥穠
艷傾一國芳根維無恙歲晚但枯枿

茉莉

海上作重九菊揉青蕊香近墟買茱萸枯顙出藥囊兒
曹記土風歉歉事祈禳老夫未免俗聊爾答風光災祥
理不僭此柄孰主張訛言眩末俗吾欲案長房

吉貝

炎海霜雪少畏寒直過憂駝褐阻關河吉貝亦可裘投
種望着花期以三春秋茸茸鵝毳淨一一野繭抽南北
走百價白氎光欲流似聞邊烽急緣江列貌貅裁襦襯
鐵衣愛此溫且柔天乎未厭亂利厚人益媮誰知海濱

客獨歎無人酬

餽歲

歲晚追土風獨甕誰與佐人心感流光臺餽屏奇貨鷄
豚取牢柵門戶隨小大去鄉二十年憶此但愁卧兒癡
元未識但索梨釘坐何時鷄識村莫作驢轉磨不須志
四方教子求寡過歸哉及強健老去煩劑和

別歲

舊歲已趣駕為我不少遲凡心畏增年而歲豈容追大

夫有蠖屈牢落天南涯收功英妙年豪傑彼一時寧當
如秦越坐視瘠與肥隣翁意誠厚酌酒寬愁悲慙慙何
時忘祝我致好辭撫世非吾事諸公正扶衰

守歲

庭燎夜未央旌旗煥龍蛇九門一放鎖萬馬誰能遮亂
離憶舊事安眠夢無何目眩燈燭光坐厭兒女譁念此
亦土風雖癡不容撾更為盧白戲紛爭起橫斜故歲不
足計新歲莫蹉跎努力誦書史從人笑翁誇

送沈昌時赴寧海令兼叙別

午潮平處落歸帆已覺離情兩不堪
轉手便成千日別
悲歌聊倚一盃酣
波翻別袂聞車水
青遍柔桑趁浴蠶
歸路春深風日美
伴誰操筆賦幽探

西湖泛舟

望湖樓下照衰顏
羞見塵埃兩鬢斑
風艇縱看山轉側
烟堤儘逐水回還
喚人歸去城鐘急
觸處相親嶺月彎
不用新詩摹絕境
定知長到夢魂間

贈言命張生

俛仰塵埃的自羞
稍看寒餓復誰憂
小兒造物巧相戲
窮鬼逐人殊未休
我所不知煩子算
世如無取更何求
服箱挹酒真么麼
那用區區問斗牛

贈僧

知有叢林特地過
幅巾迎笑出巖阿
杖藜同覓牛羊路
濯足來分鷗鷺波
豈不倦遊貪斗粟
坐令歸思動漁蓑
他年會有相逢日
稍食吾言聽子呵

寒食

粥冷春餚凍泥開臘酒斟故鄉空淚滿華髮正愁侵山
暝雨還住煙孤村更深誰知江海客浩蕩濟時心

答卓民表送茶

攪雪飛雪一番新誰念幽人高食陳髣髴三生玉川子
破除千餅建谿春喚回窈窕清都夢洗盡蓬蓬渴肺塵
便欲乘風度芹水却悲狡獪得君嗔

和人遊仙峰庵

千巖萬壑翠縈回一洗衰翁病眼開落日多情留別嶺
秋空無地著浮埃雲閒出岫初無意松老參天豈願材
我是散仙君記取更鞭鸞鳳少徘徊

蘆檻

手斲修蘆著檻栽使君公退幾徘徊想當風雨翻叢急
疑卷江湖入座來未辦松窗眠綠浦且將屐齒印蒼苔
種成桃李人間滿應念孤根首屢回

董邦則求茶軒詩次韻

一軒新築敞柴荆
北苑塵飛客思清
更買樵青娛晚景
便應盧老是前生
千門北闕夢不到
一卷玉杯心自明
冷看田侯堂上客
醉中笑笑起相烹

送仲猷北歸二首

一丘胷次有餘師
空此淹留歲月遲
黃墨工夫憐我倦
簞瓢風味要君知
新詩落筆驚翻水
俗學回頭笑畫脂
伊洛欲尋當力句
還家欲舉定從誰

欲尋當日故山盟
身世今如海一萍
歸路上心真了了

愁根入髻已星星挽衣共酌東西酒折柳送行長短亭
念我知君回首處萱叢菖葉一時青

寄吳致一

相逢一笑兩忘懷夢遶親庭首重回世事難磨三尺喙
離愁都付一分杯秋生林薄歲時晚水落江湖鴻鴈來
賸作新詩頻寄我天涯時對兩眉開

四月十五日上元道中

亂山身逐簡書來梅子黃時雨未開一葦橫斜風葉度

千灘聳巖雪城催危機種種那容避俗駕駸駸底未回
聊復浮遊隨造物故園回首思悠悠

送黃彥武西上

門揜蓬蒿氣浩然西風筆勢更翩翩未忘大學薤鹽味
時說定林文字禪蘆渚風光傾上國槐花心緒紀當年
里門歸日車應下置酒遲君沉水邊

書室述懷奉寄民表兄是日得民表書

丈室無塵几橫吏休息鶯鶯散無聲舞風竹影飒飒轉

紫夢鑪香嫋嫋清已笑榮枯盧白戲不須物我觸蠻爭
故人剪燭西窗約知得何時活此生

答人留別之什

家在大江東復東去君一舍碧流通那知臨水登山處
同寄飛蓬斷梗中愁絕盃中千里月夢縈江上一帆風
只今且作湏臾意更典雲裘醉小巖

次韻李堯端見嘲食蕨

真人官府未黃緣且向龍山作散仙春入燒痕催采蕨

雨翻泥隴憶歸田
蔬腸我若枵蟬腹
詩格君如擊鵲拳
飭下萬錢謀更鄙
諸公飽死太官籩

送友生

剝啄門前久未嗔
定知我輩不羈人
午窗喚起夢魂好
一語更知風味真
身嬰世網坐營口
心識醉鄉慵問津
忽先秋燕背人去
四角何由生客輪

贈范直夫

將軍競病詩成處
南浦春歸蘭玉叢
漸減心情身死大

久乖談笑路西東鄉關落日蒼茫外樽酒寒花寂歷中
且與寓公同放曠浩歌相屬倚秋風

招友生

雨收天氣欲清明猶有餘寒在粥餠馬隊客勤貪晝永
鱸堂人病想身輕讀書有味齏鹽好對境無情夢寐清
欲話此懷須我輩一來蠟屐伴春行

寄江

龍卷風雲一髮端不妨聊作侍祠官高情未許羣兒覺

萬事何須正眼看
問道從公春信近
談天容我酒盃寬
乘桴亦有平生意
回首紛紛行路難

次釗彥仲傳茂先韻

強蹋府塵從傳子
立談江閣識釗郎
一尊此地見眉宇
十載相思成鬢霜
秋燈煜煜照情話
夜浪翻翻吹客牀
投名徑入農圃社
老矣不夢天門翔

次張演翁林元惠韻

朱門小駐使君車
二老風流入畫圖
但有觥籌供笑語

從教歲月上髭鬚詩成華燭留殘蠟客醉高歌叩缺壺
更起爭碁誇得雋不應局蹙守邊隅

太康道中

一色春勻萬樹紅坐愁吹作雪漫空誰知榆英楊花意
只擬春殘卷地風

燈夕時在泗上五首

燈花作意照歸人短棹扁舟寂寞濱帝力如春蘇萬物
遙知太一不威神

雲窗月檻仰乘輿
俯看香車出繡襦
九陌人人歌帝力
不須微服過康衢

鸞駕翩翩馭晚風
積蘇宮闕夜濛濛
明朝遣覓鐵如意
應在涼州酒肆中

我欲安心未有方
至人遺跡已茫茫
自非宰堵波中老
誰直先生一瓣香

我觀世界只兒嬉
一戲相從更莫辭
綺語未忘餘習在
明朝與和紫姑詩

鈇山僧齋假山

擘開華嶽三峰秀，疊就層峰數石寒。
等是世間兒戲事，道人莫作兩般看。

石門寺四首

橘刺藤梢罨客衣，直緣微祿得奔馳。
懸知投老歸田味，只似登山困睡時。

行穿蒼麓瞰平岡，踏破青鞋到上方。
城市紛紛足機穽，却從山路得康莊。

林棲相喚出幽谷我亦欲起天未明枕中泱泱鄉山溜
一似荒城長短更

真功那復歎蒸沙靜笑飢腸日夜譁老褐不須供茗粥
朝餐吾已辦丹霞

以研墨送盧師子

明窗子石澗松腴萬卷盧郎正要渠何似黃梅碓下客
夜翻半偈倩人書

春晚二首

梅子生仁柳絮催春風塵跡只蒼苔繁華一夢年年事
長是初鷺為喚回

客路歸來芳節闌杖藜隨處小盤桓危紅數點藏深綠
須作春風爛漫看

宿石龍寺

觸處為家底是歸浮生南北未忘機道人身似南枝鵲
更盡秋宵一再飛

寄人

西山相對卧寒齋耿耿思君不滿懷
比似持雲來寄我
何如君自作雲來

勻道人之玉山戲作小詩送之

道眼無塵萬景隨
滄江秋色入新詩
歸時人問江南好
只道君行到自知

南浦小詩迎勞二弟

健碧倚天無數峰
眼前渾似故人逢
問來識面知何處
應在頤齋詩卷中

和幾叟秋日南浦絕句簡子莊寄幾叟

兩翁相對語更闌想見風生席石間詩就南枝三轉鵲
樽前秋月半銜山

凜凜臞仙千載人當年許下一枝隣天高鬼惡堂堂去
誰識渠儂不壞身

不見陳公歲又除七峰深處食無魚終煩指似龜山路
會使人疑得異書

風雨交交耿夜燈天涯兄弟對牀聽莫嫌詩作江南語

一夢家山眼亦青

書永和寺壁

胷中一壑本超然
投跡塵埃只可憐
斗粟累人腰自折
不緣身在督郵前

來解征衣日未斜
小軒泉竹兩清華
道人法力真無礙
解遣龍孫吐浪花

九日送僧歸龍山

九日相攜積翠中
勝遊兼有道林同
枯顱一任君披拂

寄語龍山落帽風

牛尾狸二首

壓糟玉面天涯見
琢雪庖霜照眼明
投筯羞顏如甲厚
南山白額正橫行

物生甚美世所忌
吹息雪中成禍胎
湯帆卵盃頻下筯
江南歸夢打圍來

洗兒二首

行年已合識舊顏
舊學屠龍意轉疎
有子添丁助征戍

宵令辛苦更冠儒

舉子三朝壽一壺百年歌好笑掀鬚厭兵已識天公意
不忍回頭更指渠

雜小詩八首

身將雙影背閩山伴我江南去又還欲寄道人簷下宿
此身都未似雲閒

俗學回頭笑畫脂我今羞悔子何疑恐輸靈運先成佛
莫學湯休苦覓詩

松風十里客襟涼
路入江南選佛場
欲問道人三世事
樓鐘重聽未應忘

江南風物略知津
便覺詩成筆有神
不向九江看五老
故應猶未是詩人

紛紛襍襪久相忘
只憶僧齋晝夢長
珍重道人留客語
君家無比北窗涼

門外山光萬里濃
且將寥落共清風
箇中自有濠梁意
不用磨刀斫眼紅

道人鉏斧得從誰無復當年隻影隨
笑我不求千戶郡
坐知成佛更難期

避世山中祇樹亭
綠陰遶舍忽青青
拋書自笑爬沙手
要挽天河洗甲兵

立春日雷

陌上冬乾泣老農
天留甘雨付春工
阿香急試雷霆手
莫放人間有卧龍


送輝雲際二首

三日雨行來款關篝燈相語雪霏山低回俗裏未能免
只有對君非強顏

認取芝峰鉢中影要君歸去首重回相思手折寄千里
想有南枝迎臘開

題范才元湘江喚舟圖用李居仁韻

天涯投老鬢驚秋夢想長江碧玉流忽對畫圖揩病眼
失聲便欲喚歸舟



宋詩鈔卷五十四

欽定四庫全書

集部
宋詩鈔卷五十五
六

詳校官中書臣賈鉞

主事銜臣徐以坤覆勘

總校官編修臣王燕緒

校對官中書臣劉源溥

謄錄監生臣鄭家屏

欽定四庫全書

宋詩鈔卷五十五

內閣中書舍人吳之振編

朱棹玉瀾詩鈔

朱棹字逢年文公之叔父也少有軼才自負其長不
肯隨俗俯仰厄窮蹇蹕有人所難堪而其節愈厲其
氣益高其詩閒暇畧不見悲傷憔悴之態因夢名堂
曰玉瀾梁溪尤延之叙其詩

二詩寄德祭并簡內觀諸友

春風本自掣肘去那更病留過一旬滿眼山川雖不改
連天桃李已成塵銀河誰與洗兵馬寶唾安能泣鬼神
悵望故人分雪此飛雲落日在綸巾

九淵亭上二三子見說年來事事新隔水不容招手喚
曲窗已有畫眉人醅釀香好急攜酒題鵲聲繁催送春
笑我江南未歸客飄然天地一閒身

因蹈元看竹了軒因用去年方字韻作此

淇澳渭川那復夢而今天遣出南方要觀大節須霜雪
莫說此君無肺腸照水形容殊不惡臨風言語一何長
山僧豈識留連意千里故人逢異鄉

三山次潘靜之升書記韻

客路那知歲月長掀眉一笑茆芻房且傾徐邈聖賢酒
不問陳登上下牀雲影翻空迷海嶠秋聲隨夢到江鄉
明朝各聽船窗雨猶憶枯棋戰四郎

邈書寄出與李知哲唱和詩次韻

邂逅招提頓客輶十年塵土且休休三人月下從渠便
二老風流到我不南北只今無好語山川如許更悲秋
故應賸作鏘金句莫羨羣兒萬戶侯

老兵種菊以詩謝之

疏畦雨徑策勲時徙種隣牆菊兩枝九日無人過朱放
十分舉酒酌王尼花裁泉玉秋風健香近龍涎曉夢知
負口不應還負眼長鑱煩爾鎮相隨

九日與客語慨然有廬山之興

九日黃花笑白頭分將牢落付荒丘半川暝色聊償夢
別嶺秋聲旋寄愁江國經年多浪語匡廬入手是真休
未能免俗須登陟睨視元龍白尺樓

三山次鄭德予韻

日脚微明雨脚疎誰將雲夢賦相如西南山好君知不
一見全勝讀異書

何日歸舟片葉輕白鷗相伴鷺微鳴只應潮打蓬窗處
已作離騷一半清

寓居南軒

雲氣披猖月意孤，冬青倒影上庭隅。
燈橫老薺蛾方去，書掩新芸蠹已無。
一世盡知關魯酒，十年不擬嘆齊竽。
支頤坐覺疎星沒，獨扣龍頭瀉酪奴。

答戲昭文梅花

臘到方留此日寒，雨多未覺過雲殘。
共驚臺柳蔥蔥去，獨抱園花細細看。
洗面不勞千點雪，薰衣剝破一分檀。
詩人窮苦誰料理，只倚東風酒量寬。

延平道中

一溪春漲午晴初日透波光綠浸裙却憶孤山山下路
石橋清澈看叉魚

雲間三十六峰高北望思歸夢亦勞來客雙峰莫相笑
少低吾眼為兒曹

舟次龜湖阻水因遊董山

山雨踈踈心又驚起瞻天色斗微明他年一枕江關夢
知憶蓬窗此夜聲

一川黃濁寫崐崙苦恨南溪不盡吞
三老亦知行意速
時時插竹記沙痕

拂拂朝霞到客舟
苦疑雨意在鳴鳩
好峰天半元相識
且作僧牀挾策遊

夢好山晴曉不知
船邊今日見鬚眉
向來快寫崑崙地
元有薰風綠盡時

僕自以四月十四日自延平歸所寓之南軒積雨
陰濕體中不佳二十五日夜夢至一處流水被

道色清絕若有欄檻而無屋宇有筆硯皆浸水
中予驚問何地旁有應者曰此玉瀾堂也夢中
欲取水中筆硯作詩詩未成而覺意緒蕭爽殆
不類人世鷄已一再鳴矣因賦此

蘧蘧飛夢過雲雲鄉物色清輝眼界長閭闔未招金馬士
蓬萊先立玉瀾堂千尋濯足衣裘冷六字哦詩筆硯香
當與瑤池作同社紅巾青鳥兩相忘

贈周功崇

閩嶺浮沉二十年歸心日夜夢江天漫題甲乙煩君看
若說功名只自憐造物小兒知薄相箇中老子已忘筌
一筇閒作東南去豈欲求人左海邊

夏夜極涼

素簡久辭夜清風先戒秋稻深羣蛤吠草暗一螢流舌
在殊無計心空尚有求按圖尋分野楚尾見吾州

六月二十日

二十一
立秋

天涯明日見秋風錯莫誰驚碧樹空豈意楚山招隱處

盡歸蜀客廣騷中釣魚聊爾針方直乞米茫然帖自工
獨坐南軒聽南澗蠻花猶作杜鵑紅

春間小詩書趙園壁追錄之

柳態隨時秀花容近酒輕綠窗京洛語蓋抹早鶯聲
小語不知夕幽香無盡時影寒人欲醉明月照醪醕

夜坐池上用簡齋韻

落日解衣無一事移牀臨水已三回斗沉北嶺魚方樂
月過秋河雁不來疎翠庭前供答話淺紅木末勸持杯

明明獨對蒼華影莫上睢陽萬死臺

書報國壁向年寓學於此嘗見虹下飲溪中復聞

子規

昔與春風來此時攜書齷齪伴兒嬉山晴欄楯投雌霓
身病林蠻號子規短髮蕭蕭吹易盡長江滾滾去何之
欲追舊事無言說更作三生石上期

宋詩鈔卷五十五